

陳衆仲文集

一

釐米  
高二十釐米寬十三釐米  
正刻明修本影印原書版元  
據中國國家圖書館藏元至



元刊陳衆仲文集



其遺編散失無以累白於後也今年冬出使閩南詢其子籲得家藏全槧曰安雅堂集凡卷嗚呼文章至季世其微甚矣

元興以來羌僭之氣既渾變雕琢磔裂之習而及諸醇古故其製作完然一代之雄盛文人學士直視史漢魏晉以下蓋不論也方

天曆至順間學士蜀郡虞  
公以其文擅四方學者仰  
之其許子君特辱君亦得  
與相薰濡而法度加密焉  
故其所鋪張若揖讓壇坫  
色莊氣肅而辭不汎也其  
所援據若檢校書府理詳  
事覈而序不紊也其思繇  
麗藻拔而杼機內綜也其  
勢飛蹇鳥盼睽而精神外溢

也此君之所自得而予常  
以是觀之今其已矣詎意  
夫履君之鄉敘君之文而  
寓其不已之心乎炳焉其  
若存的焉其遂傳中山之  
序  
序柳州白傅之序江夏友  
義之重古今所同因籲之  
請乃書而刻諸集首至正  
九年龍集己丑季冬望日  
翰林修撰河東張翥序

文章與世道升降稽諸往昔則較然矣蓋自帝王之渾灑逮宣尼之刪述萬世不可尚已三代以下唯西漢之治近古故其文雄闊雅奧儒者宗之東都浸瀉魏晉以下靡無足觀矣中唐至韓柳而復古宋至歐蘇王曾而復古此數子者皆生唐宋盛時也迨其季世非無人焉浮離蹀裂索々不可整則氣運為之也

元興以質治天下國初之文已極雄古皇慶延祐以來益以醇正典雅相尚藹乎治世之音非近代所能及也且諸名家班々繼々視

昔加多又何盛欬故國子監丞陳  
吾衆仲亦以文擅世者也君自弱  
寇即有志學古嘗讀書南海之  
上盡屏聲病緝綴之餘習醺經  
既史吞吐百氏久則剽玄剝牘  
以爲文自成一家超軼古昔石田  
馬公爲御史時按事閩中一見

奇之舉諸

朝繇是通籍館閣

諸閣老又推許之不十年而衆仲  
之文滿天下矣然天下知其文者  
未必知其人也予嘗謂衆仲學  
博而通識高而敏使之裁繁理  
劇有兼人之能或者處危制變  
有濟時之智惜夫用弗克究而



人所知者衆仲之文也況稱其  
文者又未原其學歟貫綜該洽  
人見其富也精采振發人見其  
麗也天機之敏人以為巧法度  
之周人以為密乃若衆仲之學  
則封殖深厚發無不茂有本者  
如是也君之子籲哀輯成書吾  
友張仲舉既序之矣籲復求予  
言予以衆仲之文不患不傳於  
後世患知之者未盡其蘊因籲  
之請遂附予言於仲舉序後至  
正辛卯夏晉安林泉生序



陳衆仲文集卷第一

賦

瓊芽賦有序

藥陽之野多芍藥人撥其芽以爲蔬茹雄武刑導道始治之以代茗飲清腴甘芳能輔氣導血非茗飲所能及也至治中有旨命如法以進

天子飲而嘉之於是乎有瓊芽之名夫芍藥之爲物以花豔取重於流俗至用爲藥餌爲烹肺之滋皆不足以及盡芍藥之妙自著本草以來至今世始得因遵道以所蘊者見知天子何其遇之晚也余惟物之

不遇於世者多矣固有一無所遇而竟已者而不欲以它伎自術至晚始一遇者亦可悲也余年四十又一始爲國子助教天曆二年夏扈從至上京因過邢生飲瓊芽而生徵余賦其辭曰

繫神皋之瀾池兮余常策馬而孤征朱光熇陰雨復暘兮瓊芽怒抽寢滿乎郊坰彼婦子之踵踵兮持頃筐以取盈蓋淹之以爲菹兮復芼之以爲羹交野茹以雜進兮至溷辱于腐腥既不得吐曾華以當春兮又不得爲雅劑以上下乎參苓懿邢生之嗜奇兮類與世而相違戶曹艾其撚撚兮則紉蘭而佩之閔靈



海大

苗之純徽兮曾不得飽其所施乃登廣原涉芳澨披  
駢卉擷珍裁盛以文竹之筥脣以綠石之礎滄之以  
盪泉燥之以夫遂廣延紺霜遜其色丹丘寶露愧其  
漉諸柘巴且甘斯埒也留夷軒于芬斯奪也乃若海  
雷既收涼吹初作鸞旂罷獵張宴廣漠舞魚龍於鈞  
天厭牛羊於珠澤亟命進乎瓊茅俾得聯於玉食當  
是時也金沙紫筍龍安駢火乳窟仙掌蒙頂麥穎皆  
菸邑以無色甘退列于下左夫何一幽人兮擘孤芳  
以徘徊撫年歲之既晏兮恐繁霜其崔嵬念寵榮之  
所在兮競膏車以先馳或以近而易與兮或以遠而  
不見推或握瑜以來毀兮或羣薦而非環以媚世者  
之誠可恥兮則寧抱吾素而委蛇

味經堂賦

國子祭酒南陽李本魯先生記味經堂以教其子而  
屬余賦之其辭曰

人文疇宣疇庖犧兮犧曷爲庖物之順兮先精幹流  
有不可象索而聲窺兮神皇示人以至味匪顯火于  
釜彝兮疇豐吾經味五而和六兮淳母淳熬樛然前  
陳免蕘之備滌瀟之沃兮鼎俎不薦在韋竹兮匕挾  
不運載吾腹兮然而骨肉之滋匪酸甘也氣脈之息

匪苦鹹也味於舌者羣所餒也味於心者吾攸屬厭也緬長松之九九兮維穰之臯春雲翁其承宇兮維書之庖宇有令子兮靜且弗教人方噬脣兮子之澤也以膏人方歡漿兮子之厚也以醪有畜之殷有擇之精兮子之食飲也恒取足而靡勞若夫大美在登玄酒在匏則吾將從先生求以遂吾染指之饜也

陳衆仲賦

賦

三

次韻寄太乙宮上官師二首

端居感流序階樹日據據涼風起高城上有南飛翺  
揚雄不徼名拓落猶遠客美矣陶徵君歛裳去鼓澤  
我居城東南西北有殊庭病久曠冲賞懷哉松桂青  
曩情諒竒士夙受火珠絳雲河澹秋夕泰時明三星

謝徵君松巢

昔聞徵君在天目松間結巢成以晉南榮比郭井里  
近西枝東柯村谷幽蕙帳眠深翠露落石泉釀熟細  
花浮擬借丹梯到高處枳句桐乳非吾求

友人記余少作因錄之

溪村積水生寒烟書廬睡起清明天隔溪暮矣人飯  
鬼媵間燒錢野風起酒旗山前兩踈踈來禽花低飛  
鷓鴣荒墳壘壘出新草草長如人人又老東門大道  
青楊間可憐車馬無惜聞

題桃花鷓鴣圖

婀娜絳花明連娟碧筠靜金塘春水多文禽汎晴影  
大堤馮許憐日照華服觀萬物各有適况及芳歲來

題席圖

於苑肅林風怒生草木瑟擁空山鷲斧牙鑿齒新發  
斫去食田亦求西成伊者執祭先畷弁誰復罵汝偷  
犧牲包生盤礴圖金精慙之高堂氣馮陵游光野仲  
急遁形西阿執鉞神赫靈

次韻毗陵吳寅夫見寄

季子江海居勝友園池賞臨水詠新詩輕颺送流響  
丹花陽林吐綺翼幽竹上雲瀾阻塵躡離思徒浩漭  
杪秋辭京邑寒郭儀吳榜宗兄念行役旨酒勞鞅掌  
承子共清醇論文發豪爽我貧久僑栖所至幾樂廣  
願得陽羨田寧慙五湖長夙昔詒約言遲莫嬰世凶

陳與中集卷一

五

三十一

衆仙諒超遙樓觀滿方丈餘霞散文席斜月生翠幌  
芳夕令人思思之不能往長興即高岡引睇馮孤想  
藏六詩為林恬齋作

禹燥中野蟪歎洛流水青黃背疇錯五含九六中筭  
約舉六藏之九斯作人言天地猶橐籥陽氣流行壘  
旁薄蛇甘即且蝟辱鵠子能深致有真樂陽精純凝  
乃脫郭掉頭不肯支床脚

次韻陳景忠見寄

用世已無伎高人方據梧詞林忝供奉客舍候徵呼  
拓落帶微祿騫騰失壯圖為文下枚孺力穡後孫愉

春草生湖曲暮雲飛屋隅論交尊有醴意別履非鳧  
擬汎鳴夷舸重游秦伯都山泉與雪乳石筍滄瓊酥  
作鱸溪庖近聽緩野磴紆松風吹綠鬢花雨落紅鮓  
佳汁勤相贈幽期愧獨踰煩君語宗長為我謝寅夫  
為蕭元泰題龍虎山品圖

龍虎之山仙所寰我昔夢寐游其間乾坤風氣結冲  
秀中有正一玄都壇羽人授我九節杖林磴窈窕窮  
幽攀金宮藥殿起嶮廓翠崖丹巘深迴環峰頭時飄  
白齒蒼石上盡種青琅玕諸巖一覽二十四松似瀛  
渚蓬萊山清溪河空引雪練遠岫隔水來煙鬢就中

清江雜俎卷

仙岳更奇絕上有玉樹皆檀藥虹光半夜出林杪云  
是石室韞神冊欲求刀圭已襄疾羽人去我亦飛翰  
褰裳彌曲采芳草浙緩踈兩春山寒覺來俗事日滿  
眼歲月冉冉隨驚湍會稽蕭氏忽相訪咲以此圖令  
我看夢中羽人顏真侶而我別後鬢毛斑題詩聊復  
紀疇昔頓拂塵服齊駉鸞

湖上分韻得春字

君子佩明信相期湖水濱晴欣宿雨霽畫舸送遊人  
輕鷗集蘭渚佳樹變鶯晨山遠煙容澹日出水光新  
美人含蕙思艷曲歌陽春勝人携會弥歡酣適趣益真

茲遊敦德詎况乃及茲辰

題萱草圖

朱萱吐晴日上有蝴蝶覆感此芳意多離憂轉難忘

題玉簪花圖

縣圃種石子幽筵茁瓊肪受以芙蓉冠綠髮風露香

題白玉蟾贈劉丹晨暑月詩後

玉蟾先生列仙儒夙昔夢見冰雪如丹晨不比劉師  
服弥明本解人間書紫清午榻松陰冷俯視塵寰真  
火井銀河夜靜浴明月水風吹落玄雲影玄雲盤屈  
龍席章百神守之不暇將

題秋山閣

之子託冲隱秋山樓靄深  
及霜晨遐矚沉氣陰  
翠巘含白雲丹楓映青林  
遠谿鳴石溜野屋負層岑  
趨喧事多違即曠恒愜心  
何哉芳片晏而我阻幽尋

題揚顯民采詩卷後

夢游洞庭野斜月映疎星  
軒后来張樂伶論吹鳳笙  
夢回憶其音幽眇有餘清  
歡竹學向八世人皆不聽  
南州有高士洗耳卧巖扃  
涼風鳴松林石澗響珠璣  
何日即與語曠焉千古情

盧氏松菊堂



人生貴適意何必在丘園所以嘯不達士隱居京邑間  
城東有衡宇亦復遠塵喧青松與翠巖阜佳菊羅堦前  
撥英以汎酒撫松日盤桓澗明暝一粟里陋邦非所安  
而我值休明此地有餘歡

分題飛龍亭為趙宗吉御史賦

冶城枕馮麓華構起層阿昔日

文皇帝憑高眺山河晨曦上扶木爽野迎春和六龍  
不停馭若華翳崇柯鍾山生白雲淮水流素波君子  
懷 寵光登臨幽思多

賦謝氏舒嘯亭

瀏陽闕冲曠自昔君子鄉君子佩蘭茝雲路以翱翔  
謝君韻芳闡耕種在溪莊聖世宜隱居非云厭榮光  
籬邊有嘉瓜墻下有柔桑麻亭已滿區花果亦成行  
濯足俯幽碕臨風振練裳客至坐衡宇共飲樂時康  
酒酣仍長嘯長嘯適清狂客去林壑合猶聞鳴鳳凰  
仕宦貴適意往往鬱中腸寄語同聲者相求與徜徉

送金溪尹縣丞

吾聞臨川郡自昔多君子金谿畜清冲雅德著陸氏  
羨子齒方富於焉學而仕為丞非劇職佐邑優政理  
暇日山谷間折節問賢士毋徒學蒞民且可學治已

在我既有餘推此以及彼君家起武弁文事固所鄙  
國家以治平四海納孔軌人言甚可畏在子擇所履  
儒宗虞青城相去不百里林逋八秋兩竹屋臨野水  
泂檄或過之瞻望以興起

胡古愚為其僕表普作傳王師曾

賦詩用事甚博輒據其遺餘為詩知之

世族之降為卑隸人世亦况自常事句章表普本故  
家淪落來依太史氏太史與魯羽於志普也服役顯  
辛勤頗似酒家得銀應足歸王氏僕青猿子淵立約  
真可咲彼若輸心不相物轉車已肯送窮鬼下狀仍  
堪論惡少太丘無僕不自知何時定把酒配想更尋  
阿對灌疏圃亦散殖後漢書胡公掉筆嘲然客客  
咲胡公未為得長卿才思應過人挑得文君併僮百  
却憐待制王先空只借表普之線京平生我識越石  
父解驂遲汝相將行

陳新甫生日出紅玉盃飲客為賦紅玉盃  
崑崙東阿含海日石中玉子妃日赤神工夜發昆吾  
刀剗作金盃盛酒與蟠桃粉闌蟻母家丹露滴入芙  
蓉花廣陵公子酒如海年年顏色襯朝霞

次韻賀伯更送李光載辭西臺掾省親金陵

翩翩城上烏，鬱鬱較下駒。芻豢或不充，返哺常有餘。  
庭閣隔江水，思之俄歲除。誰能西入秦，奔走奉簡書。  
脂車剡門道，語僕馬載驅。過江動双漿，忽至石城隅。  
慈母望我久，此時當倚闕。相見有至樂，浮榮信區區。  
分題得鄧嶽，送述律都元帥之雲南。

滇池西南陬，沃地稱純源。鳳山翼廣野，穹水吐厚坤。  
武侯昔經營，遺勝諒斯存。川原集惠來，草樹生奇芬。  
聖世仁風暢，遐徼絕妖氛。戎謹蕃宣詩，禮況所敷。  
送鄭希道杭州路知事。

幾年讀書白鹿洞，諸老逢子黃金臺。豈為錢唐足清賞，遂令莫府得英才。  
郡中日晏文牘少，湖上春晴畫舫開。我向都門折楊柳，子亦寄我孤山梅。

春山遊

春山雲木暝，初日暎遙岑。一登高閣望之，勞我心  
幽迳綠崖迴，飛淙響澗深。芳口恣已晏，誰哉與登臨。  
分題得南臺，送山子春會事之閩中。

無諸句踐孫，有國東南陬。能從漢高帝，函谷用戈矛。  
賞功仍故封，築臺臨水頭。憶昔春雨餘，廟下艤蘭舟。  
載瞻漢衣冠，丹青煥林丘。北游三二年，日莫踰登樓。  
繡衣問風俗，於烏少夷猶。

次韻許左丞送

車駕遊承天護聖寺是日由參政陞左丞

銀瓮星山麓

北名麓山

鑿嶼際水鄉離宮幾馭婆行殿傲

飛翔細浪魚鱗襲輕颺鷓首驥扶桑明遠岸析木度

高檣屏翳時清蹕豐隆夙啓行衛兵環越棘舞女躡

吳航漸峴嶽近微聞梵鐸揚

石壇登案衍瓊佩襟

璆鏘夕渚休蘭權春壺馮桂棹伊蒲頒內供蔗葡萄散

林香罷宴蜺旌動開帆默錦張弄田低碧樹馳道出

金塘畿甸嚴車轡巨藩重壘廟方收麟在楫復喜鳳

鳴陽

原集

十一

聖主需賢急嘉猷賴獨良茲睿承頌頌問焉奕拜

恩光文彩堪華國芳菲正滿堂協忠成泰治流澤遍

遐荒援古言應切匡時慮更長誰哉疲土木況乃象

為廊

送高敏則道州路知事

子昔未京師見我靈椿坊論交氣誼合室有芝蘭香

念我當遠行賦詩以相將詞華蔚組繡音聲鏘琳琅

而子亦南征游徼入炎荒契闊忽八載馮高每相望

今歲夏五月有客至上庠欣然展良覲槐下久襄羊

惟子富文學兩用乖兩長籍籍魏王堂罨罨制作須士良

而今所授官乃復在遐方獨喜春陵郡宴為周子鄉  
山川草樹間道德有餘光於此治簡書雖遠庸何傷  
涼風起燕臺飛雨下太行蘭舟曉當披河水方洋洋  
臨流重賤攜贈子以佩纓願言行所知歲晚期毋爽  
送王致道舍憲河東分題得汾亭

昔者文中子東歸遂隱居幽亭枕汾曲於此樂唐虞  
鳴琴駕流水泚筆讀群書夫子今邀悠清風在林壑  
君侯宴諸孫訪古紆使車曉維千二策用世當何如

安福李氏臨溪亭

結屋負南郭清溪流屋前巖居塵事少水木自幽妍  
滌研弄寒泚鳴瑟寫潺湲沙鳥時近人汀雲相往還  
烹鮮茗溪毛留客坐前軒遊川道體著觀物悟微言

題米元暉漂陽溪山圖

宿雨散曾巘林麓翳煙霏遙山斷復連川上初晰微  
我昔困行役漂陽秋未歸幽子喬松流避迨啓郊扉  
撫景正若此別離嗟願違覽卷遂終日溪雲欲生衣  
為吳德良題承 旨所贈蘭竹圖

細竹生石間幽蘭與之俱愛彼有貞節而此芳不渝  
空谷塵躡遠公子為停車懷人重移植臨風寫為圖  
君子寔似之歲晏聊與娛

賦雲錦溪二首

溪上亦有看  
雲道院

綠水春生渚，丹花集陽林。愛此雲錦好，蘭舟轉溪深。  
賀監謝軒冕，載酒過山陰。遙聞擢歌發，縹緲不可尋。  
日出瀛海上，照見仙人宮。仙人看雲處，空翠滿樓中。  
曠懷慕冲賞，俯首慙孤踪。吹簫薊門月，一夜思江東。

哭陳元麟

阿麒能讀書，八歲貢京國。翱翔公卿間，聲譽頗籍籍。  
我家越山南，汝家越山北。及我官橋門，見汝長五尺。  
翩翩丹穴鷄，五采作毛翮。崑崙上瑤樹，上有實可食。  
汝胡不此留而去，不可即乃翁。携汝來為汝，頭盡白。

辛苦携骨歸，江灘黯愁夕。可憐東門吳，任達乃彊釋。

題天台桃源圖

天台一溪綠，周遭溪南溪。北都種桃東，風吹花開復。  
落遊人不來，春水高錢唐。道士張彥輔，畫圖送得劉。  
郎去昨夜神，鵲海上來洞裏。胡麻欲成樹。

秋荷圖

持衣寄所思，欲寄不得遠。水國風露涼，徘徊九秋晚。

寄題黃氏樂全堂

華亭南去五十里，秩秩高堂枕泖濱。黃金買書教諸  
子，綵服捧酒娛雙親。石梁絕間荷花雨，雲屋依林竹

色春能守不成三五戒樂全長得葆天均

明妃出塞圖

昭君北嫁呼韓國巫山更有昭君村黃金鑲鞍玉  
馬分明載得巫山雲涼風吹動銀頭燕一曲琵琶  
幽怨沙草遙連雞鹿塞野花不種鴛鴦殿內家日  
日選娉婷淚痕滿袖空多情漢廷自此恩信重美  
人身比鴻毛輕

蘇伯脩往上京王君贊以高麗笠贈之且  
有詩伯脩徵和章因述往歲追從之悰與  
今茲際携之嘆云耳

蘇伯脩詩

蘇伯脩詩

往年飲馬灤河秋灤水斜抱石城流青城文人來水

上揭謝蘇王

易顧敬德  
伯脩君贊

皆與遊願予濫倚橋門席日

斜去坐鰲峰石夜涼共飲明月樽醉眠更聽高樓笛

灤河九曲流澌澌自我不見今三年蘇郎又處屬

車去佇望弗及心茫然龍門峽中雲氣濕山雨定洒

高麗笠別意遙憐柳色深歸心莫為鶻聲急

不才未許收詞垣賦成何日奏甘泉人言九骨難變

化為我致意青城仙

蘇時已注為史  
官撰詩相助教

趙逢原靖康間失母三十年得之溫南其

孫求詩

母子不相見飄零三十年飛雲散九野瀘水聲濺濺  
百川盡東注雲飛散還聚無情會相逢而況子求母  
淒涼汴中宅池臺翳荒榛峽船載華髮鼓柁江南春  
作堂種護草設草日以好淮上已罷兵江南可娛老

題胡氏殺虎圖

沙河野黑秋風不似東陽戎卒車載擊道旁老虎夕未  
鋪車中健婦不見夫倉黃下車持虎足呼兒投刀割  
其腹夫骨已斷不可續泣此孤兒餐虎肉

爲熊江上賦雲集

吾聞巢居子乃在雲間手執天地戶乘風時往還

下民敢予侮哲族寧尔干更有鶴爲馬養在松樹端

小混池

魚德浦中右方  
氏得之如冷也

大國縣蕪含清澤儻忽多事中央死玄精散作萬星  
繁天椽不堪參兩趾日化七十皇有虺蜀雷難直絢  
材委殺妖壺涿鵠弗燬剝剝靈光照寒汜老龍乘磧  
用師紀俾作魚鰓陣中士風雲往來江落水虎臂灘  
回玉生子緗文素肌温栗理方叔得之鷲且喜蒙蒙  
錯綺鑄髯龍閉門乍觀戒貪視烏虜混池乃若此吾  
然乞之還汝始

杜康婦董氏無子



杜曲有好花盈盈映春水芳月忽已晏好花難結子  
年年寒食時花落水迤墓狂風吹不去盡作墓上土  
白頭不借老千古同懷抱獨憐墓中人羨殺杜有道  
賢

送趙博士丞相還聞喜展墓

渡江丞相忠簡公意氣不減王茂弘騎鯨海上作風  
雨故國山河夕照明丞相先人葬河朔蓬顆摧蕞麟  
滅角槁門有客丞相孫西望歸雲雙淚落賓賓學子  
傳詩書誰為王式歌驪駒車塵忽集都門道野水遙  
生董澤蒲僕夫繫馬塋邊柳子第牽羊輦材酒里中  
老父喜更悲胡不歸來今白首人生南北兩悠悠相  
見俄驚二百秋我亦飄零去鄉土酒酣獨奏江南謳  
豫章紫極宮太古樓

誰云仙人好樓居仙人結屋在太虛夜涼河影動窓  
牖日暮雲氣浮江湖人生萬劫同天地倚欄無限太  
古意麻姑婦去海復深秋風吹老人間世嗟余好古  
空讀書所見無過數千歲明年江雨未開船聽說無  
懷以前事

謝氏祖孫創澧陽橋

澧陽極目雲氣昏衝風揚波鼉窟翻湘妃抱琴望虞  
舜日莫江竹多啼痕木蘭為舟不可渡誰幻魯淵作

平路天橫，仗靜牛渚，長海市朝晴。層樓吐祖孫，移山  
山可移，昔人不信，今見之，千年猶有。召伯埭，白面聚  
歛嗟何為。

送王道原韶州教授

春秋大義如日星，紛紛傳注夷天明。唐人啖趙與陸  
氏疏，別猶未窺全。慈宗儒往往，發豐部後學。胡乃相  
蒙育，先生寤寐沫泗上。汲古獨得心源清，不隨流俗  
論褒貶。善惡無以逃，其所書成臺閣交。剡薦講說弟  
子盈門，聽上庠評校，忝屬我寸莛。豈足宜鏗鈞細旃，  
廣廈得前席。啓沃真可禪，具印示何載。道適南越白

國朝典冊集卷一

二十七

雪滿鬢，秋衫青橫經。自有龍戶集，壑壑應聞鳳鳥鳴。  
遠人送此識古學，風教所寄良非輕。都門買舟著書  
副，江上兩足荆溪生。天南何處有歸鴈，作詩百紙寬  
離情。

海谷

歸震峯在渤海東八紘之水，注其中不盈不縮，浩無  
際。吞吐日月，含空濛。靈鼈於此負山出，上有縹渺金  
銀宮。人間相去幾萬里，弱水滿眼多迴風。琴高未時  
踏赤鯉，少君歸去乘白鴻。秦皇到老不得渡，嗟我欲  
往將焉從。子房有孫海谷子，告我有路非難通。只隨

氣相上下與子共謁扶桑公

為江道士賦清虛

人言天上清虛府中有萬頃琉璃田秋空紺滑不可  
上翠房玉戶扁嬋娟道人有月常滿郭只在黃庭方  
寸間重樓露氣浩加水絳河夜轉崑崙巔

分題送方村高江南得車搖搖

車搖搖前門路高巖騎馬不受鞭方郎得官上車去  
前門南頭盧水流燕姬十五居酒樓彈箏唱歌折楊  
柳落日車前勸郎酒南陌行人往復來幾人似郎得  
官因郎車莫驅傷馬足車中本載連城玉車搖搖郎

子洲賣車買船載旗鼓晴湖風輕聞擢謳

清華堂為吳興馬伯誠作

宛池兮流水瓏璫兮茂木日杲杲兮照野煙霏霏兮  
生谷山中人兮桂為梁潑上下兮居中央臨素湍兮  
濯澆擊瓊英兮襄羊有子兮洵美作文章兮獻

天子承 寵光兮造歸涉兩渚兮采荷以為衣其魚  
兮酌酒登高堂兮介眉壽

題蒙泉史隱圖

世皇在日收聖南鯨鯢任任手所戡烏蒙烏撒腹心  
地不有軍府誰其監漢廷遣將非克國累歲屯田無

善績兵騎民獮土不畜國幣空曾糜萬億大名劉侯  
文武才承 詔萬里誅蒿萊豪蠻盡戢戎壘立竄卒  
復還農畝開有泉遠出蒙山下日夜清冰鳴石鑿渠  
分澮決未縱橫土脉浮膏作秋稼疇中侍積多如山  
陂池種魚無曠乾已聞春磴響林際仍為菰蔬流圃  
間劉侯暇日遊泉上竄吏追泛意冲暢步隨涼影傍  
高松坐看晴雲起孤嶂朱轡奕奕來甌閩喪車逾返  
黃河津雲南戰骨橫四野布殺声中荒草春劉侯雖  
死應愁絕吟魂空咽泉頭月祇今寧謐重謀帥九原  
人去無歸轍荔支墓館開尊時劇談每及西南陲淒  
涼遺像畫圖裏對此流涕將奚為

題陳氏瀟湘八景圖

軒后不張樂白月照野水泠泠水影中瑤瑟泣湘鬼  
西崦生夕霏歸僧度林嶽但覺山路長不覺鐘聲遠  
白貨集亥市莫搖偏買盞山日出未高翠雨濕酒帘  
倦翮久欲下涼風起湖址官客多挾弓莫近白沙驛  
落日楚江深倒景在高樹曠因茅屋頭分魚石梁步  
南浦草仍碧高樓日易斜歸帆傍水廟蕭鼓下神鴉  
江氣行雲暮忽失巴陵樹一夕洞庭波都向蓬上注  
寒雲不成雨暝色凝江楓巫峽梨花夢飄浮過郢中

荅蔣伯衡茂才

蔣子雅好事獨肯勤過我助我作清事亦復無不可  
近詩精且新五色雲一朵子豈久陸沉徐步亦青瑣

題虞先生詞後

憶昔奎章學士家夜吹瓊瑄泛春霞先生歸卧江  
南雨誰為掀簾看杏花

陳衆仲文集卷一

陳衆仲文集卷一

二十一

嘉慶戊寅八月石韞玉假讀





元刻陳衆仲文集七卷潛研堂藏書也  
 辛楣先生于辛酉歲與明翻元刻本同  
 以遺余蟲傷水濕不可觸手頃付裝  
 池僅取元刻列諸所見古書錄甲編  
 中謂此半鐸之珍世所未見尔  
 壬戌秋七月 荃芑公明黃丕烈識



己巳正月下澣二日海寧陳仲魚來訪云有同邑吳榘容所藏殘元本  
 陳衆仲文集攜在行篋越二日往觀遂假歸補此本缺失糊塗處  
 吳本印較先殊勝此刻惜止四卷未能補此所缺然得此已數年今始  
 遇元刻真寫亦可喜矣 凌公詞 吳本失張序已存林泉生序脫第葉前字亦

附錄

按千頃堂書目陳旅安雅堂集十三卷今世行本大率相同予舊藏此元刻本二冊曰陳衆仲  
 文集汝諸家詩錄皆未見有此目未審其同異若何卷首林泉生序作於至正辛卯年衆仲之  
 卒已十年當是其子歆若初刻存雜屋存四卷而詩則已全零編查尚存可什數錄  
 兔牀記

元百家選詩小傳  
 安雅堂集一百廿首 元刻陳衆仲集二卷一百六十九首 三卷一百五十九首 通計三百廿首  
 較之詩目多二首 卷之二兔牀可記




衆仲集十三卷 四庫書目所載同此本元  
刻甚精而止於七卷又其中謬誤不可辨  
者甚多 菟園自記云宰捐先生并明翻  
本見遺何不也翻本補足豈明本止七卷  
耶 笑以爲之寶藏古書真不易得  
予就此本錄存之擬注 文淵閣四庫本  
補足焉 道光十五年七月望 李兆瑛



先製陳衆仲集只存詩三卷序記共四卷若其  
張君若其所藏雅一鮮片甲而已不可多矣余  
向藏衆仲集十三卷全本出是抄錄亦則未之見  
也後賜同牛陳蘭都先生所及與之幸一較異  
同耳按衆仲知從馬石田游後爲虞伯生推許  
有云我老翁<sup>林</sup>付子斯文之讓二子之傾倒衆仲而  
可謂至矣其所以汲古不僥度收博採將來定於  
白延津之石余中疑即卷左書可耳

道光十五年甲午仲夏嘉興錢天樹識於味香軒



陳衆仲集余求之有年僅得鈔本於浙中又詢舛不可讀嘗與  
婁東季菘菘互相商訂終以未見刻本為憾茲從 美翁何得元  
刊本覆校一過雖止七卷然可讀者已過半獲益良多不淺矣昔吳  
兔牀所藏僅有四卷連開塘栖勞氏亦有之然亦止七卷是則江  
湖藏書家未必有缺於此者矣其可寶貴何如哉

咸豐丁巳良月

文村王振聲謹跋



衆仲集明刻作安雅堂集文十卷編次略  
同惟訪三卷全異元刻編年討亦較多  
明公分證原注亦多漏落此元本之所以  
足貴也余嘗見抄本是从明刻出者亥豕  
滿紙以意校之終未愜心今得 美翁出  
本覆校七卷快慰之至惜全本不可見并  
美翁所藏之明刻亦不獲見也 李錫疇







